Нувуқами лъыган атылгумат игунагмың нунаврыгат — Агвыңалок, Укигалок, Ахтагвик, Нонак, Акулик, Уйвак, Кегми аньяпитхун аңоқапут ытфихкопут. Итакетыкут агулахқутвилыгни Нонагни, Уйвами, Исагни, Ахтагвигни. Атасимың пимакут Уйвамун. Таўани углаҳтут найъкуҳкогыт. Углат нунаңусимет. Кулигамсугақут таўатын.

Гук, укйъугасапик таўатын ануясогыт сугумат. Углак юк тукусимат. Санлук амта ытфикьягат юпит. Юит тамум нунам наңысимет, гук. Олгым туңынанын, гук, ануясогыт пилгит, тукукугимат югның, тумыни льыган ыльыгенын.

Укйъугасак, гук, Нувукак юхтупихсахтук. Ынкам нувукахмит афкунъакумат нунайын. Игунета анлъут уйгит айнухумет кавилгеның айнугусанын. Ылъмыхтының санамаягмыхтының. Силъа накам пинихкапимаўк тами ыгныгми. Анлъугмың унахсемың санасимат суплъулгулуку ынкам пытумат ыпнъамун. Анагўакнан,гук, акуна Имаиклъини никугнамаук. Қаманун пытуглуки капутыт. Игунапигмың нувукахмит анусимат силъамун. Никумат: санлугмит туқукаманилуки.

Аңуясогыт ыглыхнилуки Нувукамун.

Пилъугьялгит агихтут Қигниктумың. Ысҳагъяқит, тасама лъыган агеқут, гўаймаугипихтакут. Игунапигмың. Акуна атҳангитут сугулгит. Утыгмун қатңумат. Тумыми, гук, сугумалгит пақытет қуйңилъхыт. Анлъут қуйңиҳқуҳтыт эгун амальи қуйңигмыхтыни ысимат. Мантыгами ысимат анукагақ ынкам ылътугет.

Аңукагақ, гуқ, аңкунлъахтумаўқ. Пытуглуки аңкунун куйңим ныныҳқогит акныгит ыпылгит.

Аңукагақ нутагингамалуни, гуқ, капильыпимаўк. Такут аңуясогыт куйңильыгнун тутңамың, умелгат эгун утуқа амта. Пе, гук, аңукагам:

 Утуқагукук хўаңкугнун, сивукуль пильальунун. Аңыхтуқ ануясок. Ыльтугагни нукальпетак пек: «Пильасимальун мыгнухсугнийкума ыхуньакыйык аңуясоқ». Пильатук.